

大同府志

大同府志卷之二十四

大同府知府吳輔宏纂輯



列女

史記趙世家魏土地記皆載代夫人殉節事迄今歷恒代踞夏屋猶想像其處焉夫女子之行在乎貞慎節義非必皆才行高秀如范史所稱也以余所聞賢孝節烈若而人綜厥懿媿著之於篇而荒村窮谷間并其姓氏不傳者又不知凡幾矣唐李習之有言人情以後來者不及於古人及其有之與古人不殊也然則呼天磨笄之風固久而未泯歟志列女

大同府志

卷之二十四 列女

周

代王夫人趙襄子姊也襄子既殺代王使人迎其姊夫人聞之泣而呼天曰以弟慢夫非仁也以夫怨弟非義也磨笄自殺而死代人憐之所死地名之為磨笄之山

晉

劉殷妻張氏新興人性婉順事大母以孝聞奉殷如君父焉及王氏卒殷夫婦毀瘠幾至滅性時柩在殯而西隣失火風勢甚盛殷夫婦叩殯號哭火遂越燒東家後有二白鳩巢其庭樹

劉聰妻劉氏名娥字麗華新興劉殷女也幼而聰慧晝嘗

女工夜肄書籍傳母恒止之娥敦習彌厲每與諸兄論經義理趣超遠諸兄深以歎伏性孝友善風儀進止聰既僭位召爲右貴嬪俄拜爲后將起鷄儀殿以居之其廷尉陳元達切諫聰大怒將斬之娥時在後堂私救左右停刑手疏規諫詞甚切直聰覽之悔悟以表示元達曰外輔如公內輔如此后朕無憂矣及娥死僞諡武宣皇后其姊英字麗芳亦聰敏涉學而文詞機辨曉達政事過於娥初與娥同名拜左貴嬪尋卒僞追諡武德皇后

北魏

大同府志

卷之五

列女

二

叔孫俊妻桓氏俊代人以翊戴功官衛將軍年二十八卒明元帝親臨哀慟命其妻曰夫生既共榮沒宜同穴能殉葬者可任意桓氏乃縊遂合葬焉

常山公主元氏獻文帝女適代人陸昕之奉姑盧氏有孝稱性不妬忌以昕之無子爲納妾媵而皆育女昕之卒盧氏悼念而亡喪殯無違禮神龜初與穆氏琅邪長公主並爲女侍中公主有二女無男以昕之從子子璋爲後事公主盡禮丞相高陽王雍常曰常山妹雖無男以子璋爲兒乃過自生矣天平中卒

上庸公主元氏初封藍田高明婦人也甚有志操適代人

陸子... 如常山公主盡禮生六子印... 香齋博彥師  
皆聰穎邢邵嘗謂人曰藍田生玉固不差矣主教諸子  
皆以義方六子動依禮度亦母氏之訓焉

和跋妻劉氏跋代人性好炫耀道武狩豸山刑之劉氏自  
殺以從

元嘉後妃穆氏代人宜都王壽孫女司空亮從妹也聰明  
過人及爲嘉妃多所匡贊光益家道

赫連氏代人太保陸敬妻身長七尺九寸甚有婦德子琇  
官至河內太守

宋

大同府志

卷之書 列女

三

畢父林繼妻祝氏自雲中僑居觀城前妻子士安少好學  
祝曰學必求良師乃與如宋又如鄭士安得楊璞韓丕  
劉錫爲友因僑鄭州舉進士知乾州以祝氏老願降往  
就養改監汝州稻田務後仕至同平章事

遼

邢簡妻陳氏簡應州人陳氏甫笄涉通經義覽詩賦輒能  
誦尤好吟咏時以女秀才目之年二十歸簡孝舅姑閨  
門和睦親黨推重有六子陳氏親教以經後二子抱樸  
抱質皆以賢位宰相統和十一年卒睿聖皇后聞之嗟  
悼贈魯國夫人刻石以表其行及遷祔遣使以祭論者

韓貞靜素順婦道母儀始終無歉云

(元)

侯氏渾源人金御史雷淵妻子膺生七歲而雷淵卒侯氏挈膺北歸渾源艱險備嘗織紝以爲業課膺讀書膺篤志砥礪遂以文學起家至元中累遷行臺侍御史奉氏之官越二年卒

別哥倫氏順寧王阿沙不花繼室也有至行阿沙不花居興和之天成累官知樞密院事至大二年卒氏寡居三十年未嘗妄言笑身不服華綵詔旌其門與元配達海的斤氏並封順寧王夫人

大同府志

卷之四

列女

四

李文實妻齊氏大同人至順元年以志節旌其門

段氏隆興路霍榮妻也榮無子嘗乞人爲養子榮卒氏年二十六養舅姑以孝稱舅姑歿榮諸父貪其產謂段曰汝子假子也可令歸宗汝無子宜改適霍氏業汝無與焉段曰家資不可計但再醮非義尙容妾思之卽退入寢室引針刺面墨漬之誓死不貳大德二年府上狀給羊酒幣帛仍命旌門復役又有興和吳氏自刺其面誓不更嫁有司爲請旌之

田氏渾源知州劉仲亨妻子彬甫七歲仲亨卒於官氏年二十有五悲慟投繯死事聞至正間旌

張思孝妻華氏大同人善吟詠嘗爲其所執以不受辱見殺其婦劉氏乃僵壓姑屍大罵不已兵併殺之後家人驗其屍姑婦之手猶相持不釋劉有賦庭栢自况詩云羣卉枯落時挺節成孤秀既保歲寒心不在遐與壽

宋安童妻班氏李安童妻胡氏俱大同人早寡不忍獨生以死從夫事聞悉命褒美

宋安童一作元安童宋時人

明

張氏前後所百戶曾廣妻永樂二年廣守鴉兒崖中創死時張年二十有娠生子興十五襲父職娶方氏正統十四年興復從征陣亡方年二十無嗣守節與姑同享永

大同府志

卷之五

列女

五

年

張氏潞城安簡王侍婢識文字王薨誓死妃與諸姬慰諭之張曰妾雖婢事王有年寧忍王死而獨生乎目經於閣一府咸高其義歲時祭之

趙氏大同前衛指揮葉盛妻鎮守椿之繼母也年二十餘盛死矢守撫椿兄弟如己出容飾不修無事不出寢門孀居四十餘年卒

劉曇妻馬氏年二十四而寡撫幼子事舅姑以慈孝聞貞操歷久益著宣德間旌表

王玘妻吳氏玘卒氏年二十六奉舅姑無違禮終身遺孤

安領鄉薦官縣令守節六十餘年正統間旌表

齊景才妻焦氏年二十四夫亡撫子守節成化六年旌表

張氏大同後衛諸葛仁妻適仁四年仁歿慟絕欲殉不食

數日死時年二十五歲仁家三世孀居建有世節堂焉

衛軍仲海妻董氏年二十餘夫亡三子胥幼訓誨成立皆

有操行長子能承役有智謀以功陞指揮

縣志稿作仲黃氏

前衛高清妻王氏少寡姑病目雙瞽以舌舐之兩目復明

舅姑卒號泣毀形士大夫競爲孝德傳詩詞以頌揚之

儀衛總旗武通妻郝氏年二十一夫亡撫藐孤成立孀居

六十年以壽終嘉靖間旌表

大同府志

卷之四

列女

六

李添福妻衛氏年二十四夫亡遺子二長安方六歲次寧

在襁褓父母憐其少諷改適衛嚴拒之隆慶二年巡撫

奏旌後安以叅贊機務給冠帶而寧亦以積功官洮岷

副將諸孫咸授指揮懷信歷官都督封氏太夫人壽躋

九十卒

都督同知林椿妻宋氏嘉靖庚戌椿戰歿氏年二十五居

喪哀毀捐簪珥營祭葬督課二子克繼前業鳳舉任叅

將鳳騰任朔州守備萬歷間巡按奏旌

王氏潞城府輔國將軍俊標繼妻俊標好施祿入常不贍

氏恒以奩資佐之俊標卒氏年二十餘會歲荒家無長

物力女紅以襄殯事撫孤充燿有成萬歷庚戌巡撫奏  
聞褒贈夫人樹綽楔旌之

監生李貞妻王氏年二十五夫亡遺一女矢志節母孀  
兄夭幼姪纔弱齡氏迎母同居生卒盡禮撫姪成爲娶  
婦以繼其後鄉黨賢之

李懷安妻王氏年十六歸李越七年而寡矢志節貧苦  
終身萬歷丁未詔旌

朱充璞妻郝氏封淑人孀姑曹氏性嚴重好潔有心疾展  
轉需人非氏不愜氏須臾不離者垂四十餘年跪伏進  
膳積久手足幾不能屈伸曹氏曰吾死何以報汝願汝

大同府志

卷之五

列女

七

有婦亦以事我者事汝耳其後婦許氏事郝盡孝果如  
曹氏言雲人傳爲美談

輔國將軍朱充剡妻張氏年十九適充剡逾年充剡卒守  
節四十年育孤有成萬歷丁未詔旌

馬恒妻陳氏年二十一夫亡守節四十餘年奉詔旌表

丁淮妻梁氏早孀撫子世臣娶王氏年二十五世臣疾謂  
王曰母孀子幼皆若責也氏領之矢志事育不負遺言  
當事旌其門曰雙節

朱成鈔妻劉氏成鈔毆殺宗人繫獄論死詔自盡氏先期  
詣禁所與夫訣曰早晚旨將下妾此後不復來視君也



歸卽自縊後二日成銀方死撫按成勣石表其墓

朱俊樞妻王氏顯見三年不孕爲夫納妾陳氏陳舉子氏以封號讓之未幾夫與陳相繼歿撫子甫成尋亦亡與子婦阮氏共砥節以終

典膳石銘妻馬氏銘齏於廣陵娶氏生子二方在抱銘轉遊長蘆卒客邸族人盡括其遺貲令氏他適氏涕泣不從族人舁柩返不與氏俱氏乃治裝攜二孤歷數千里奔雲中苦守志行畢世不渝

項善妻阮氏知府阮宗道女年二十三夫亡撫子子復天一食貧孤苦志行彌堅何忠愍公以瓜葛誼雅其節捐俸

### 大同府志

#### 卷之四 列女

八

贍養巡按梁請旌

陳維垣妻焦氏維垣與錢氏私圖逐氏而娶錢氏性賢淑不妬忌處之蔑如顧不與夫昵將寂居以終老維垣狂暴卒不釋竟縊其頸而死死之日猶執爨供姑鄉黨聞之咸頌其賢而泣下督學表其墓曰孝婦

前衛張孝妻邊氏子國琦妻王氏俱年二十七而寡婦姑苦志終始不渝邊壽九十有七王壽六十有九人稱雲

#### 中雙節

朱充鮪妻石氏年三十一夫亡家貧未膺封典勸嫁者踵至氏矢死鬻指撫孤孤成甫娶未幾子婦相繼夭撫孫

芝田成立業醫有聲疏請於朝獲繼祖封詔旌氏之貞節

丁倉妻祁氏年二十二夫亡氏矢志事育荼檠終身督學使題請賜坊旌表

朱廷埃繼妻董氏無出妾郭氏生子一夫卒郭氏求去氏曰若去孤誰與撫乃勉慰再三甘心共守歷三十餘年卒

陝西都司宋定妻劉氏夫亡矢志守有鄰郡宦族謀娶之遣媒道意且曰適我子之功名可得也氏聞怒叱曰賊將陷我於不義餌以國家名器上負君恩下慙名教言之

大同府志

卷之五

列女

九

寧不汗顏聲色胥厲媒惶恐不敢復語守節數十年會闖破太原賊勢孔亟謂其子曰我年已七十死固晚矣又奚忍見此亂離耶絕粒七日而死

朱興泉妻金氏嫁甫五月興泉卒氏年十六有遺娠越七月生子嗣延撫成會流寇犯境母子避難金城嗣延舌耕代養金城名士半出其門孫會世繼書香列明經人謂苦節之報云

監生王璿繼妻方氏少寡無出庶子甫四歲撫如己出闖寇陷城氏拜哭璿怒前引刀自刎死

何大本妻武氏忠愍八子婦也闖賊陷城大本遇害氏聞

攜子婦龐氏同投繯死忠孝節義萃於一門云

劉氏張亨妻年二十舉二子而夫亡劉事姑撫孤辛苦萬狀子皆成立年五十八卒

張氏前衛喬恒妻年二十三夫亡誓不二適孝舅姑撫育遺孤四子皆成立年六十三卒

董氏前衛指揮林勝妻年二十七夫亡事姑以孝稱教育二孤長杲早卒次彪襲職董守節三十餘年

常氏生員傅江妻江卒常年二十七有遺娠越百日而生子名錦育孤以存江後孀居三十四年卒

劉氏知縣張伯達繼室宏治甲子伯達卒於官劉年二十

大同府志

卷之五

列女

十

七遺子鶴鵬甫二三歲扶柩歸葬遂不出戶庭與側室姚氏甘貧守節後鶴中式嘉靖乙酉舉人孀居三十年壽五十六卒

李氏高伯枝妻年二十六夫亡無子李撫姪致爲子以奉烝嘗教以詩書食餼縣庠孀居六十餘載有司旌

李氏後衛指揮陳棟妻棟卒李年二十九子鳴鳳未一歲家貧饔飧不給或勸其改嫁李曰未亡人不死爲此呱呱耳艱苦備嘗竟成痼疾鳴鳳長襲職仕至遊擊將軍

萬曆三十年旌

劉氏總旗武彥爵妻年少亡其夫勵志撫孤卒有成立孫

登仕籍年九十四卒萬曆己亥旌

郭氏後衛千戶鄒圃妻圃任懷安守備卒於官郭年方二十六子尙信生未閱歲郭扶柩歸葬忍死存孤備嘗艱阻有老姑事之盡孝苦節四十餘年御史臺旌

周氏前衛應襲溫習詩妻夫暴疾卒周年甫二十遺孤在襁褓中以節自誓家計窘而苦節愈勵一孤壯長授百戶次紳授鎮撫萬曆二十五年有司旌

楊氏後衛餘丁杜寶妻年二十七舉三子夫亡環堵蕭然竭力以殯撫三子皆成立諸孫繞膝衆和而舉不析凡四十五年壽七十一而終

大同府志

卷之五

列女

十一

杜氏永平同知任服休繼室杜年二十四而休卒於官旅櫬歸宦貲僅供喪葬子櫓方四歲安貧守節櫓就外傅氏督之維勤廩於庠守志四十年壽六十餘

朱氏石自祿妻奉國將軍充平女封鶴鳴鄉君年二十三而自祿亡無子乃育其姪以爲後孝養舅姑慈愛繼子苦節三十七年按臣旌

朱氏舍人何養節妻奉國中尉俊築女年二十一而養節亡撫育子職卒有成立人羨其操按臣旌

朱氏生員顧茂林妻博野府宗女夫沒朱年二十歲誓死不二守節三十餘年按臣旌

明氏董天緒妻年二十四而夫亡遺一女自毀其容以守志  
志慘淡悲辛五十年如一日人服其節

朱氏府學生員任重妻潞城府鎮國中尉充煥女年二十一而夫亡遺腹五月生子體先奉姑以孝子壯補諸生苦節三十年里人稱之

郭氏襄垣府輔國將軍成鏞妻笄而於歸夫死郭年二十餘遺孤聰箔聰濂訓誨砥礪箔濂性亦至孝克自勵以養志孀居五十餘年奏聞於朝褒封夫人

李氏河間府副將沈繼先妻生三子鎮銳銘繼先以征調積勞病卒李年二十七撫育三子竭力女工餬口度日

大同府志

卷之十四

列女

三

親族屢勸他適李正色拒之後鎮長襲守備職勤王死事銳銘俱以醇謹成家里人稱之兩學公舉節婦焉

張氏韓粟妻適粟三年而寡年未三十家貧勤女工以自給百折維艱撫子萬貴暨貴弟俱成立守節二十三年鄉人賢之

何氏何洵之女適饒府宗人俊楹封夫人楹卒氏年二十三無子力持孀節五十年

王氏中書舍人馬呈德繼妻呈德病歿燕邸氏年二十八誓死自勵扶柩歸杜門茹荼訓子鼎清爲弟子員

陳氏萬歷乙酉舉人鄧應元繼妻應元卒氏年二十一

以死殉不食者四日家貧以如老子幼乃勉食其後姑歿子成而冰操如新

朱氏生員賀廷選妻選歿氏年三十撫前妻子成立冰操苦志時人賢之

陸氏生員劉懿謨妻夫故氏晝夜號泣絕粒者數日欲以死殉其母以撫孤勸解強自存活教子有徵業儒鄉人皆稱苦節

莫氏何浩妻浩卒氏年二十無子誓死強活女工自飭每日吾無出何力於家而一食乎父母憐欲嫁之輒與其家絕往還年七十餘終姓宗祀葬之如禮人共賢之

大同府志

卷之五

列女

三

王氏丁世臣妻世臣卒年二十七人勸之嫁以死自誓針工易食奉孀姑撫幼子四十年如一日子鶴爲郡庠廩膳孫大年登賢書

陳氏于總于福妻福陸亡氏年十九撫孤守志備歷艱辛俾其子成立繼襲世職王氏不絕如綫氏之力也年躋七十卒

張氏儀衛司餘丁劉士魁妻子歸四載而士魁故氏年二十一一生男方五歲繼姑逼嫁氏以死自央姑亦化厲爲蒸辛勤課子世德備弟子員

郭士宏

妻宏任雲南提舉卒於官氏年二十一

六忍死扶柩還鄉

無孤茹荼凡三十年事繼姑以孝教

于敦厚崇正元年

恩預選焉

蔡氏劉壘妻夫亡哀<sub>州</sub>七日不飲食求死不得越數日自縊於室

范氏祁信妻夫早逝事姑以孝稱撫幼孤成立年八十卒有貞節堂詩文存焉

畢氏左指揮李英妻年<sub>二十六</sub>而英亡守節四十年無事不踰中門御史陳天<sub>所</sub>為之旌表

王氏舍人歐英妻幼而<sub>盡</sub>淑年十九而英亡欲自殺以殉家人守之不得間一日乃閉戶托言洗沐遂自經死都

大同府志

卷之三

志

御史李敏為之奏聞有日月爭光山川出色之句

溫氏衛軍高通妻夫死溫年<sub>二十</sub>子女各幼通既葬家貧依其兄嫂居兄嫂迫之嫁<sub>溫</sub>泣自明其志迫之再三溫曰吾死決矣指子女曰吾<sub>不</sub>關遲<sub>郵</sub>吾後先經其子若女亦自經死叔父溫<sub>石</sub><sub>定</sub><sub>憲</sub>之白於官論兄嫂如法而明溫節旌之

李氏于嵩妻年十九歸嵩舉<sub>一</sub>方五月而嵩亡既襄大事足不踰戶闔抱一幼孤<sub>以</sub>老姑姑亦早孀<sub>煢煢</sub>相依婦姑俱登高年

仇氏生員李紹忠妻婉婉有淑德承貧竭力以供翁姑菽

水萬歷八年忠染病卒仇不食三日自經於柩側

龐氏張斌妻年二十而歸張數年斌歿遺三歲孤龐守節撫之有成年踰六十卒

張氏大同鎮總兵鄭亨妾宣德九年二月亨卒於鎮張氏自經以殉贈淑人

高氏金氏何忠愍廷魁妾也天啟元年三月忠愍廷魁殉城相率赴井死建烈婦坊

裴禹卿妻朱氏代宗俊噤姊封陵川縣君地震城崩禹卿死縣君以首觸棺嘔血卒年二十有一詔諡貞節

溫景清妻王氏施達妻羅氏朱廷雛妻張氏王宗伊妻鄭大同府志

卷之五

列女

五

氏朱廷埏妻張氏朱廷埏妻胡氏朱充燠妻阮氏郭之  
光妻李氏李先春妻徐氏任服德妻張氏溫經妻岳氏  
武仲義妻郭氏朱充烜妻毛氏朱廷埏妻李氏李孚德  
妻朱氏盧仲文妻李氏鄧希孟妻張氏以上俱守志節  
以上大同縣

劉直妻韓氏年二十五而夫亡家貧力女紅育子景春守節三十餘年成化七年旌表

李思鑑妻田氏鑑亡氏年二十七守節育子夔成化十年旌表

馬雲昇妻孫氏雲昇就試不售忿而自經孫痛悼不欲生



絕粒旬日死

生員任祐妻楊氏祐與八戲悞被傷死遺一子在抱楊理於有司得直遂沐浴更衣七日不食而死

苑洪妻邊氏年二十餘而寡食貧撫孤洪母亦早孀以節聞嘉靖間有司旌之曰姑婦雙節

郭天瑞妻苑氏年十九夫亡生子甫九月孀居六十年撫子成人

監生郭鏜妻王氏爲邑富室女年十九而寡嫁時羅綺屏勿御勁節撫孤歷四十餘年卒

生員魏正誼妻鄧氏年二十五而夫亡大守奉姑侍疾尤大同府志

卷之三

列女

六

謹撫四子中興等咸列庠食餼萬歷間奏請建坊旌表生員馬應麟妻李氏年二十六而寡子進甫六歲困苦守志歷久彌堅有司旌其門

苑尙友妻魏氏少寡子幼堅守冰操二子顯穎俱有聲庠序天啟間奉詔旌表

于爾揚妻朱氏性端嚴明大義色養姑嫜以孝聞尤好施濟六親皆賴之崇正間以孝賢旌闈變縊死中堂

生員蘇周謨繼妻朱氏無子納妾田氏生子甫三歲夫亡誓守撫孤族人百計奪之勵志彌堅有司旌其門

懷仁縣

張天叙妻賀氏有女年十五盜入母子胥被執賀慮見辰  
潛取刀與女自殺盜乃相視錯愕

王謨妻郭氏嘉靖間羣盜恣匪

婦匿南山盜大索

驅之郭厲言曰吾良家子豈爲賊匪所辱耶乃舉袂障  
面投崖死

朱貞妻周氏年十六適米生子獻可貞亡氏年十九美而  
艾里人爭欲得之周毀容矢節孀居四十餘年有司旌  
之

千戶陳上策妻郭氏宦家女及笄歸策婉順有婦德策客  
死白登郭絕粒三日旣殮緘棺側宣大巡按湯銘其烈

大同府志

卷之十四

列女

七

奏旌

生員李术妻王氏年十九术亡誓死不易孀幃三十一年  
詔旌

張伊智妻韓氏年二十夫亡韜髮滅容誓不渝志邑合旌  
其門

生員郭炳然妻王氏少寡米檠堅操修瀆瘁養巡撫旌其  
閭

儒官尤春妻楊氏夫亡家徒四壁苦節五十餘年課子宜  
顯成名當事咸旌其節

生員王游初妻劉氏年二十夫亡遺孤在襁褓父母欲嫁

之齧指矢志撫孤成六巡撫奏請旌表

總兵宋偉妻邊氏闖賊入城據其室殺偉氏不爲屈膝厲  
聲大罵賊加以炮烙兩乳焦爛罵猶不已賊稱烈而止  
其刑

宋佳蔭妻朱氏總兵宋偉之子婦也闖賊陷城被執氏指  
堂隅給之曰有藏金在賊爭往掘取氏急走窖中以土  
覆身解帶自縊時年二十有六

李珞瑾妻李氏新娶後方兩月歸寧過新車村爲 所  
擄氏墮馬誓死罵不絕口賊怒支解之 以上山陰縣

施達妻羅氏達從征歿於陣氏年二十七守節三十八年

大同府志 卷之四 列女

六

奉詔旌表

施海妻徐氏年二十三夫亡越七月遺娠生子玉柑撫育  
有成孝養舅姑非祭掃不出戶孀居四十九年卒年七  
十有二成化十九年奉詔旌表曰節孝兼全

李榮妻楊氏隆平典史楊杲女年二十一夫亡子未期撫  
孤守節歷五十二年卒

進士董官妻李氏孀居四十載未嘗一履里門撫夫弟宇  
成名以節壽終

兵部主事霍希夔妻李氏少寡撫幼子地成立年六十卒  
千戶王禹道妻李氏早孀守志撫遺腹子成襲祖職巡按

林旌之

賈雲衝妻劉氏年二十五夫亡守志一月孤補州弟子員幽  
壺孀幃五十五年萬歷丙午按臣旌

生員霍恩妻張氏年二十六夫亡艱苦萬狀節操彌堅卒  
年七十有三

田中堅妻王氏少寡守節撫孤題請旌表

楊烈女州民楊儒女年十四闖寇陷城隨母匿木塔複板  
內賊索得之掠其母去女不從從塔墜地死

劉標妻朱氏生子勅甫歲餘標卒朱以女工度日堅正自  
守撫勅成立襲伯職指揮使年八十有五卒

大同府志

卷之五

列女

九

生員霍希陶妻穆氏孀居三十餘年撫子野食餼郡庠巡  
按旌之

劉氏生員趙采妻采以才學聞劉十四于歸克相其夫甫  
二十采死劉誓不再字撫遺孤跡未嘗踰闕外處家勤  
儉苦節自甘四十七載如一日卒年七十六

李氏盧登文妻無可攷因貞節坊名載舊志存之

徐氏安東衛劉永盛妻年十五歸盛甫二十日時盛兄永  
昌總兵江南盛以父命往焉會永昌殉於官而永盛亦  
相繼而死徐父勸他適不從以死自誓苦節十八載而  
卒

尙氏劉承順妻承順娶逾年卽死氏年十九生子悅甫九  
月家貧父母勸改適泣誓曰吾家雖貧並日而食甘心  
焉撫此遺孤庶可報所天於地下氏艱苦治家勸悅力  
學列弟子員孫二人長雲漢亦早入庠歷節四十餘年  
壽六十三終 以上應州

張謙妻孫氏年二十二夫亡子文瑞未期撫訓成立壽六  
十有二宏治間奏旌

王士能妻李氏生子瑞未週夫卒矢死不二年饑摘蒿實  
和米麩食之歷困苦無容嗟卒年八十有四

生員李開妻靖氏開病篤謂氏曰吾不幸早死重闈弱息  
大同府志 卷之五 列女

三

累汝爲之氏涕泣受命開歿勤織紉浣濯供甘旨佐子  
績學成俊士部使者表其門

張鵬妻李氏鵬歿矢志從一茹苦終身子力列庠者三俱  
登仕籍崇正三年旌其門 以上渾源州

王彥卿妻李氏年二十七夫歿子甫五歲食貧守志洪武  
十六年有司奏旌

張文德妻劉氏年二十五文德歿立志撫孤清操貞厲洪  
武十六年詔旌

劉綸妻王氏年二十七而寡菽水承歡諷諸孤力學青  
庠序年六十卒

于堯妻朱氏年二十夫亡遺孤鳳儀甫四歲教子成名官  
叅將封太宜人壽七十四終以上天城衛

國朝

王氏廉州守備高毓秀妻年十七歸高隨任粵東閱十載  
毓秀罷官回籍以疾卒於湖州客邸氏慟絕而甦歸旅  
櫬營窀穸撫未歲子尙志成名秉鐸襄陵苦節三十三  
年康熙四十五年建坊 旌表

楊月斗妻梁氏生有殊姿月斗叔楊慶漁其色窺月斗出  
外潛入逼凌之梁大聲以拒慶遁踰月慶持刀往梁力  
拒如前慶怒拔刀擊其右臂不從刃其左股者三又不

大同府志

卷之六

列女

三

屈乃斫其右乳而死事聞論慶如律康熙五十七年建  
坊 旌表

烈婦吳氏繼某廝養黃國忠之妻康熙間樂宦大同國忠  
夫婦隨之任其主屢欲嬖之堅不可乃日鞭撻其夫欲  
致之死氏泣謂國忠曰妾在君必不免請自殺以絕狂  
暴念義不受辱遂引刃斷喉而死時年二十八雍正元  
年知府許惟訥建祠祀之

何宗武妻王氏年二十五夫亡侍舅疾唯謹人稱其孝訓  
二子列庠壽六十四卒雍正八年疏請 旌表

李慕妻靳氏年二十八夫亡奉孀姑撫弱嗣苦節二十八

年雍正十年 旌表

弁丁陳慧妻王氏年二十夫亡貧無以殮號慟感道路鄉黨競爲之助既免喪父母憐其苦令他適氏誓不從贅居二十八年茹荼集蓼處人所不堪見者哀之

王之雲妻楊氏應州楊威女幼失恃天性至孝父鍾愛之及笄于歸以賢德聞會姜瓌變時之雲與長子逢春外出惟仲季二子在側楊囑曰吾家世篤忠義我何忍貪生致辱賊人手兒輩無偕死以存王氏後語畢躍入庭院并季子逢慶牽衣號泣從之其女已適人聞母死狀亦自經後仲子逢泰訪父數千里卒奉歸孝養郡守葉

大同府志

卷之四

列女

四

九思嘉其一門節孝爲之傳

常炳妻朱氏姜瓌變炳與父志強叔志旺胥被繫脅之使入其黨不從志旺遇害志強父子乃見囚朱見其不返疑翁與夫之及於難也慷慨激烈自經而死時氏年十有八歲

劉寶銀妻王氏年二十八而寡家貧縫紉資事蓄苦節五十年

貢生何士璋妻焦氏姑抱沉痾不能動履氏負之起臥積勞成疾至嘔血侍奉不少懈凡僕婢掩鼻望而却走者氏皆躬執其役姑歿卽取瘠逾常翁年幾八旬事之一如

其姑歲時祭享必敬必誠士民咸頌其孝

劉氏候推守備彭國讚妻年二十而夫歿遺子大志生甫三月孀姑年老氏垢面毀容心同金石課子維嚴大志聯登武榜任廣東遊擊氏歷節三十六載終

古氏仲明倫妻年二十五而夫亡遺子甫六歲氏孝奉舅姑問視起居竭誠盡慎撫孤訓以義方孀居三十七年苦節貞操鄉人敬禮

劉氏王繼業妻夫卒時氏年二十九遺弱息天志家甚貧針指自給雖累日不舉火無怨言撫孤成立壽八十六而終

大同府志

卷之十四

列女

五

古氏生員祁鴻妻年甫二十五夫亡矢志堅貞撫孤成立孀居三十年人稱完節焉

劉氏文珠妻珠卒氏年二十九子未歲家窶甚外無期功之親內無應門之童艱苦備至教子入庠歷節二十七  
年卒

王氏雷壘妻年二十九夫亡奉翁姑撫弱息克勤克儉家業日興三子俱成孫曾繞膝年八十二而終

侯氏生員傅良桂妻年二十八夫亡子僅四歲翁逾八旬屢抱沉疴氏委曲周詳奉事唯謹起居食息無不得其歡心撫孤名鳳人郡庠食餼孫亦成立孀居六十餘年



壽八十有九

吳氏曹旺妻年二十八夫以暴疾卒家貧撫幼子成立苦節四十餘載壽七十一而終

衛氏生員宋芝池妻年二十五夫卒遺孤二長宗舜方二齡幼甫三月氏矢志守貞孝養孀姑嚴訓稚弱長爲邑子衿幼亦成立間黨稱其節孝焉

賀氏劉大捷妻年二十一而寡家貧克勤克儉奉舅姑以孝聞撫子女皆成立守節五十餘年始終如一日

王氏秦芝妻芝亡氏年二十九家素窶日以女工自給守志撫孤孀居三十年

大同府志

卷之四

列女

三

梁氏武鳳翔妻夫亡氏年二十五日勤菑業撫育遺孤克至成立守志四十六年

閻氏李模妻年二十五而寡苦志三十餘年撫育一子俱成立有司表其門

韓氏喬佳選妻年二十三夫亡撫二子有成苦節二十九載族黨稱之無間言乾隆二年旌表

何氏生員張其先妻年二十四生子甫三日而夫卒氏甘貧守節事舅姑以孝撫孤有成歷五十年如一日

李氏馬國樑妻年二十六夫亡守節撫孤備歷艱辛四十餘年

三氏李進芳妻年二十八夫亡子富遺腹甫六月誓節守志色養孀姑撫子成立富舉二子尋亦卒復撫其孫歷五十五年壽八十三

寇氏馮三桂妻年二十二而孀子斌僅二歲翁姑垂暮四壁蕭然日勤針紉以資贍養孀居五十九年

趙氏王通妻年二十三夫亡遺子二長四歲次甫八身氏矢志靡它時則尚有翁姑及叔可依倚也已而亦相繼歿家貧甚督其子力田躬親縫紉以自給守節三十餘年

盛氏王政妻年二十八夫亡氏孝奉孀姑撫二子進閣進大同府志

卷之五

列女

三

幸俱有成守節四十五年

郝氏仝應實妻年二十五應實客外死撫子勲稍長卽令負父骸骨以歸後子亦能守業壽七十四終

龔氏聶顯揚妻年二十七而夫歿矢志全貞勤女工以餬口奉姑鞠子備歷艱辛孀居四十載乾隆元年旌表

武生李柱妻朱氏夫亡無子苦節二十餘年窮餓死

劉榮妻畢氏榮家貧爲人傭力氏勤針黹佐夫養姑夫歿號抽欲絕視殮後不復哭或疑有他志乃夜半密縫衣履束麻焚香自縊於柩側時乾隆五年二月二十一日也既死不瞑猶直視夫柩面如生見者咸歎異焉

陳惠妻王氏年二十九夫亡守節撫幼子成立由行伍任  
千總乾隆五年 旌表建坊

宋顯榮妻郝氏夫歿矢志守節奉姑教子乾隆十四年  
旌表現年九十有二

程氏衛千總郭治側室也治歿氏年二十八子生甫八月  
矢志撫孤長補弟子員守節四十餘年而卒乾隆二十  
三年學使者蔣給匾表其閭

張某妻吳氏夫亡守節乾隆二十三年建坊 旌表

曹應貴妻薛氏年二十六夫歿遺子甫二齡鞠育成立事  
姑克盡婦職守節五十二年乾隆二十四年 旌表

大同府志

卷之二十六

列女

三

王希禹妻馬氏守節撫孤乾隆二十九年 旌表

柴氏劉鳳彩妻鳳彩歿氏年二十三遺子甫三歲氏自經  
以殉其姑覺而救之甦姑對之泣三歲兒亦泣乃感動  
不復死仰事俯育苦節歷五十年乾隆三十一年 旌  
表

李景直妻徐氏夫亡守節撫孤俱至成立現年七十有二  
乾隆三十一年學使者呂表其閭

車氏李日躋妻日躋自杭州歸卒於道氏年十九一子甫  
襁褓或勸之嫁氏涕泣以死誓養親撫孤歷久如一  
乾隆三十一年學使者呂給匾表其閭

馬氏鄭模妻年十七而模歿懷娠僅二月屢欲自殺以翁姑慰諭之防守維謹得不死已而生男遂矢志撫守節四十六年乾隆三十四年 旌表

烈婦段氏友寧村民孫汝葺妻汝葺歿遺一女林姐守節撫養閨數載夫之從弟汝昌利其產欲嫁之與前村劉和者謀托以賣屋給氏攜女詣和所比暮不得歸乃詰和而持婚書示之曰若已嫁孫榮矣奈何求去和故孫氏子榮其母兄於氏為族子也氏知為所賣哭且詈急取利刃自衛榮不敢逼是夜母女閉一空室中嗚咽語良久度終弗免投繯死林姐亦縊以殉年甫十一事聞

大同府志 卷之十四 列女

完

論汝昌等如律 旌氏節烈坊并 旌孝女林姐焉 事在乾隆三十五年

武生楊宗仁妻師氏苦志守節乾隆三十八年建坊 旌表

韓宗妻張氏年二十二夫客死喪歸氏以首觸棺流血被面絕而復蘇家素貧姑老子幼氏習女紅佐薪水雖嚴寒不輟十指皆破裂姑患背疽口吮之尋愈人言誠孝所感云乾隆三十九年 旌表節孝

楊官妻侯氏年甫二十夫亡一子相繼歿氏號哭殞絕復蘇姑泣諭之遂毀容誓守以族子為嗣撫養有成乾隆

三十九年有司給匾表其閭

王威妻杜氏年二十六夫歿遺二子俱幼勤苦鞠養以至

成立奉舅姑克盡婦職宗黨稱之乾隆四十年詳請

旌表現年七十有六猶勤儉持家清操彌勵歷五十年

如一日云

白錦妻張氏錦客死京師氏年二十五家無資產氏僦屋

而居縫紉而食奉姑以壽終教子成立守節三十五年

乾隆四十年有司給匾表其門

夏氏王奇妻奇歿氏年二十七親老子幼矢志靡它翁歿

竭力殯葬姑患癱疾每飯必口哺之及歿號慟幾絕撫

大同府志

卷之五 列女

三

子至成立苦節五十年而卒乾隆四十年有司給匾表

其門

靳天寵妻劉氏夫歿氏年二十三號痛欲殉舅氏諭令撫

孤乃矢志守節以勤儉持家教養二子俱至成立乾隆

四十二年 旌表現年六十有六

賀尙本妻子氏少寡苦守志節歷久彌貞乾隆三十七

旌表

杜氏吏員王振綱妻振綱歿時祖父俱衰耄子瑛甫八

家貧氏年二十勤女工奉兩世甘旨撫教遺孤中

科守節已三十三載有司具詳請 旌

馬氏庠生劉鵬室也年二十四而夫亡姑老艱步履氏左右扶掖不離歷久罔倦遺孤甫六齡氏幼讀書知大義嘗口授章句比長列膠庠焉守節已三十餘年有司給匾表其門

任夫人施氏贈提督諡勇烈舉之繼室也秉性端貞動合內則年二十二歸勇烈乾隆十一年固原兵變時勇烈任遊擊夜二鼓聞變挺刃將出夫人急索佩刀自誓曰君弟往脫不濟命決此刃矣遂盡呼家人集一室積薪鑄戶以待變已而殲平明年勇烈以總兵官殉蜀優卹有加夫人感激涕零攜一子扶柩旋里奉舅氏撫遺孤

大同府志

卷之五

列女

三

族黨稱賢孝焉子稍長時時爲言勇烈遺事俾各勉忠孝以繼先志長子承恩次承緒以恩蔭得官皆克世其家三十三年卒於京營邸舍時年五十

烈婦陳氏浙江鄞縣人大同九總鎮格側室也乾隆二十四年總鎮卒於官氏愴慟幾絕視殮畢卽闔戶自經死時年二十九中丞鄂聞其事爲之題額建祠

高永妻馮氏教授馮士儼女年二十九夫亡長子甫襁褓次子在腹氏哀痛欲殉不得聞越三日舅歿姑泣曰若死老身何倚且若不聞死節易守節難乎乃悲涕受命奉姑育子苦節三十餘年卒

屈氏營兵李奇妻年十八歸李姑性嚴少不當意則筆楚  
交下氏畧無怨言奇從軍沒氏年二十有四與姑相依  
早夜縫紉以供衣食誓無異志姑亦慈愛有加焉卒年  
七十有一

郝亮妻夏氏年二十五而夫亡夫弟迫之嫁誓死不二居  
近園圃時拾菜葉食之至累日不舉火處之泊如也年  
七十有一卒苦節四十六年

王氏得勝堡民李化亨妻化亨爲人傭養殮不給氏絕無  
怨言夫歿貧不能殮氏號泣一晝夜不絕聲遂自經以  
殉

大同府志

卷之五

列女

三

馬先振妻吳氏年十七歸馬越二載而寡養親撫孤備歷  
艱辛生平未嘗見齒壽至八十終

施氏楊本立之繼妻年十七歸于楊姑性嚴急氏孝養備  
至能得其歡心撫前妻子紹震如己出夫歿子幼家漸  
落氏竭力拊擋三子俱成立後以紹震歿哀悼成疾卒  
時年六十有四

段氏把總楊榮妻年二十六榮歿於京邸聞訃幾不欲生  
念姑老子幼乃截髮毀容誓無他志後姑壽至八十一  
養葬盡禮子習武遊庠守節三十三年而卒

盧璐妻張氏年十八夫亡遺子甫彌月舅姑俱耄氏矢志

孝養字育飲茶茹檠歷節三十餘年而卒

寇氏郭震義妻年二十六舉一子甫兩月而震義歿族人勸其改適且見逼氏立志堅貞惟抱兒飲泣卒不可奪逼迫者轉而保護焉守節四十三載艱苦備嘗撫孤成立知府嘉祥給匾獎之是年卒

任氏拒墻堡民暢文斗之妾文斗無子以禮納焉舉一子甫週文斗歿時氏年二十四嫡憐其少欲嫁之氏決志撫孤母事嫡操作勤苦歷久不懈守節六十二年壽至八十七文斗之長女嫡出也歸于梁而早亡遺子女幼稚氏慈愛撫育至嫁娶人尤以此多之

大同府志

卷之三

列女

三

岳懷碧妻劉氏年二十四夫歿舅老病二子孩幼家又貧乏氏矢志守節奉親撫孤歷冰霜者垂五十年壽至七十有二

馬如相妻馮氏夫歿氏年二十七家甚貧四子一女俱幼稚氏辛勤操作以一身經營衣食撫育諸孤皆至成立苦節五十餘年而卒

姚大成妻張氏年十七夫亡無子痛不欲生舅憐其志慰諭之且亟爲置嗣未幾翁亦歿姑逼之嫁氏不從以故數困辱之之死靡它卒時年四十六

李煥妻劉氏年二十八夫亡矢志守節養老親撫弱息節



孝並著卒時年六十四

閻昌緒妻張氏年二十二緒貿易卒於外喪歸拊棺號慟  
幾殞絕舅姑諭以守節爲重乃涕泣受命撫二歲孤成  
立卒年五十有八

張氏候銓縣丞馬正曾妻年二十七夫歿守節撫孤長八  
成均少補弟子員乾隆二十二年有司給匾獎之苦節  
四十餘年而卒

王氏營兵吉大位妻大位歿三子俱幼時氏年二十六守  
節撫孤奉舅姑盡孝鄉里交稱之卒年七十有五

李盛芳妻張氏夫歿氏年二十四以姑老子稚矢志守節  
大同府志  
卷之三十四  
列女  
三十四  
姑疾祈天請代果獲瘳教養二子皆至成立苦節二十  
二年而卒

吳氏廩生齊天成妻天成歿氏年二十二矢志守節孝養  
舅姑皆登大耋撫幼孤有成苦節歷四十餘年卒

李翰臣妻李氏年二十二而夫亡守節奉姑姑歿祖翁年  
八十多臥病飲食醫藥惟氏是賴遺孤甫襁褓家又貧  
乏氏一身竭力支持艱苦備歷卒年五十四

智進瑞妻曲氏夫亡氏年甫十九誓志毀容奉孀姑撫弱  
嗣足跡不履戶外閨範肅然守節四十四年卒

趙功臣妻郝氏年二十四夫亡守節不移孝事舅姑皆壽

逾耄耄撫幼子成立卒年六十有二  
霍林妻尚氏年二十四而夫歿遺子甫三歲零丁無依撫  
之成立苦節三十餘年

王企祐妻秦氏年二十八夫亡矢志守節養親撫孤俯仰  
均賴之卒年七十有

楊士俊妻姚氏夫亡守節迄今三十餘年詳請旌表

楊育妻王氏年二十九夫歿遺子長四歲次猶在腹氏矢  
志守節以撫育諸孤冰霜備歷癸居四十餘年卒

張崇妻王氏年二十六夫歿懷娠甫三月號痛幾絕既而  
生男遂苦志鞠養奉姑舅以壽終子亦成立守節凡三

大同府志

卷之三十 列女

三

十六年

魯日章妻馮氏性恬靜寡言笑年二十二夫歿舅姑老無  
倚子甫襁褓氏矢志奉養撫育備歷諸艱守節二十三  
年而卒

郭昭妻閔氏娠數月夫歿舉一子時氏年二十五矢志撫  
孤奉舅氏養葬盡禮子甫長而歿復嗣孫撫之自操彌  
厲現年六十有五守節已四十年

劉代葉本深妻本深歿氏年十九子生未週月氏矢志守  
節翁姑先歿惟夫之兄嫂是倚未幾兄亦歿嫂又老病  
氏躬親操作習勤苦撫教孤子入庠苦節已歷三十年

楊氏庠生劉顯妻顯歿遺一子在抱氏年二十四誓以身殉翁姑泣諭之矢志撫孤姑久病喪明飲食藥餌調護惟謹幼子至成立守節已歷三十一年

張士魁妻郭氏年二十三夫亡遺子甫二齡矢志撫孤事舅姑盡禮脫簪珥謝鉛華終身不御親黨罕觀其面年近七十猶足不踰閩守節已四十五年

劉氏庠生孫登鯉妻氏年十九夫歿遺子長三歲次甫五月家貧縫紉自給堅志撫孤守節已歷三十一年

郭飛鴻妻楊氏年二十一夫歿無子以姑老矢志奉養婦兼子職現年六十三歲苦節已四十二年

大同府志

卷之三

列女

三

劉氏宏賜堡民穆興梁妻年二十二夫亡姑老二子俱幼有勸以改適輒峻拒之年饑掘菜根雜糠粃以食志節彌堅卒奉姑壽終撫孤成立守節已歷三十三年

袁好聰妻幸氏袁好武妻王氏娣姒也幸氏年二十二夫歿家貧甚子甫二齡翁姑勸之嫁輒號泣不食卒成其志現年六十有二王氏年二十六而夫亡遺二子長七歲次二歲藉針指餬口艱辛備歷與長姒幸形影相依互相鞠養其子久無間言現年六十有一人稱袁氏雙節

高良元妻李氏年二十九夫亡矢志撫孤垂四十年如一

曰良亦從弟良貴妻王氏夫歿亦守節撫孤歷今三十餘年一門雙節論者方之袁氏焉

田氏得勝堡民秦輝宗妻年甫十六夫亡一子在抱姑憫其少欲嫁之氏號泣誓死拒事姑卒以孝聞撫孤成立守節已四十餘年

馬順妻祁氏年二十二夫歿遺子在腹家貧苦節撫幼孤有成水霜志操已歷三十三年

王功普妻李氏功普遠賈不歸時氏年二十四子甫一歲伶仃無倚惟縫紉澣濯自給鞠育幼子至於成立現年六十有六

大同府志

卷之六

列女

三

王禧隆妻某氏年十八而寡子甫彌月守節撫孤已歷三十年

卜允妻華氏年二十二而寡無子舅姑勸之嫁氏泣曰兒去老人何倚遂矢志守節奉事惟謹越十餘年始以族人子子之撫養成立發居已三十年

趙氏得勝堡民張際盛妻際盛歿無子氏年二十四誓志不移撫嗣子成立苦節已歷四十年

郝文英妻蔣氏年二十九夫亡欲捐生以殉繼念二子幼矢志撫孤有諷以改適者泣而謝之後二子俱成立孫五人曾孫四人氏現年七十有四人以爲苦節之報云

史明德妻侯氏年十七歸史越一載有娠而明德歿泣曰  
天不絕夫嗣幸生男否則以死殉之已而果男遂矢志  
撫孤奉舅姑盡孝舅年九十猶無恙子亦成立苦節歷  
三十四年

李光舉妻張氏夫歿氏年二十一撫孤寸節歷四十餘載  
冰霜之操閭里稱述

汪氏廩生郭繼昌妻年二十九夫歿無所出以夫兄之子  
爲嗣撫養教訓遊庠食餼氏苦節已三十年

張氏生員劉尙智妻尙智歿氏年二十四遺二子俱幼矢  
志撫養苦守冰檠迄今三十餘年

大同府志

卷之五

列女

三

王氏平旺村民丁榮妻年二十六夫亡子甫襁褓舅姑相  
繼歿遺一少子亦幼稚氏並鞠育之至於成立苦節歷  
四十載現年六十有六

薛良弼妻李氏年二十二良弼病將革囑曰吾死以老母  
弱弟累汝第汝無出能久而弗渝乎氏泣然曰無子命  
也守節分也君卽不諱必不食言良弼既歿氏矢志堅  
守奉老姑撫弱弟慈孝著於閭里現年六十三

薛宗堯妻李氏年二十三而寡子甫三歲氏立志守節養  
親撫孤迄今四十八年

水榭妻將氏年二十四榭客死遺子尙幼氏矢志撫孤舍

辛茹荼垂四十年貞操如一

梅和賓妻鮑氏年二十六家貧子幼姑年屆七旬  
日夜思子痛哭氏曲意孝養恐傷姑氏心時時飲泣而  
已後二子俱成立守節已四十七年

王氏康昌基妻年二十六夫亡守節撫育四子皆成立次  
子鶴齡早歿無子妻杜氏年二十一誓不改適撫猶子  
爲嗣王現年八十有二杜年六十姑媳皆以貞節稱

李瑛妻薛氏年二十而寡子甫在抱氏矢志靡他撫孤成  
立迄今三十餘年

王鐸妻項氏年二十一夫亡遺孤甚幼氏甘貧守節奉老  
大同府志

卷之四

列女

堯

姑以孝聞現年五十一牙齒盡落蓋三十年來艱苦備  
嘗故也

張成妻王氏年二十一夫亡撫族子爲夫後志節堅貞歷  
久如一日現年六十

郭氏武生張景文妻年二十九而夫歿遺子甫四齡鞠養  
艱辛冰霜自勵乾隆二十七年知府嘉祥給匾獎之現  
年六十有二子已成立

姚勝文妻馬氏年十九而夫歿遺一女姑促之嫁乃毀容  
截髮誓無他志族人憐之爲置嗣撫育有成守節已歷  
三十五年

谷懷璉妻張氏夫歿氏年二十六遺子方煊弟相繼歿家無次丁氏誓志守節撫孤以延宗嗣現年六十有六苦節歷四十年

周氏廩生趙宏遠妻宏遠歿氏年二十三遺子女俱幼撫養成立迄今四十餘載人稱完節

田英妻朱氏年十九而寡遺孤甚幼氏誓志撫養至於成立苦節已歷三十六年

馬氏得勝堡民康九齡妻九齡歿無子氏時年二十四立志守節夫弟尙幼鞠養至婚娶其後弟生子立以爲後氏悲且喜曰吾夫婦今日始有子矣現年六十五

大同府志

卷之四

列女

四

秦國昌妻王氏年二十五夫亡矢志守節撫孤成立現年七十有八

華鍾秀妻吳氏年二十五夫亡撫孤守節迄今二十七  
年  
聶光謨妻張氏夫亡氏年二十七舅姑衰老一子甫襁褓氏堅志事育歷久不渝守節垂四十年現年六十有六  
霍鳳妻趙氏高永祿妻董氏張承業妻蘇氏生員胡孕芳妻朱氏朱龍岩妻王氏以上俱守志節

以上大同縣

阮氏年二十六夫亡以節自誓撫幼子成立康熙三十六年盧令詳請旌表

劉連妻楊氏夫亡年二十餘孀居孤苦艱難撫二子皆成

康熙四十年建坊 旌表

李銳妻楊氏年二十六夫亡養親撫子終身不飾容不面人康熙四十年 旌表

生員岳毓瑾妻張氏年二十二夫亡撫遺腹子國柱食貧守志國柱尋亡妻陳氏亦以孀節聞有司額其門曰一門雙節

王男子妻劉氏里推色秀家貧有老姑夫不能養婦勤薪澁延日會歲大饑有豪族鈎結奸賈貨沒饑人女子劉度家不免從容謂其夫曰老姑穉子不耐枵腹且暮將俱死俱死無益妾數被來者購以多金誠多家可無

大同府志

卷之五

列女

四

死矣君弟送妾於郊金既全妾得以身完男子計無復出遂忍而許之畫定夫婦中夜預相訣明日賈兒如其許來購既成王男子如劉言送之郊賈兒防有他令男子復護出界行四日舍於天成賈兒度無事乃鞭逐男子匿外舍賈兒盛酒易服若將漁者婦詭曰吾夫不能保吾軀以至此聞且依依私匿於外何爲者是非痛言之不肯去去則可以成吾新好矣賈兒以爲然行酒酣縱不知所爲婦乃出以賈意呼示其夫遽引簪刺喉而卒自是賈者星散道路俱轟稱饑婦爲奇節云郭傳芳爲之傳



生員王道行妻崔氏少寡矢志孝姑訓子守節五十年餘年  
三子胥克成立氏膺 封典

董鐸妻于氏年甫十八而寡守節撫孤歷三十四載雍正  
十二年建坊 旌表

武合德妻何氏年二十九而寡矢志守節歷四十二載乾  
隆三年 旌表

王勅妻郭氏夫歿氏年二十七矢志守節歷二十六載乾  
隆三年 旌表

王氏生員王其正妻年二十八夫亡矢志守節歷二十九  
載乾隆三年 旌表

大同府志 卷之十四 列女

聖

王氏生員郝贊妻夫亡氏年二十六遺子敏學尙幼氏矢  
志撫孤成名守節四十餘載乾隆三年 旌表

馬榮妻趙氏年二十二夫亡矢志守節歷三十二載乾隆  
五年 旌表

武登科妻李氏夫歿氏年二十四矢志守節歷三十載乾  
隆五年 旌表

張文通妻楊氏夫歿氏年二十七矢志守節歷三十五載  
乾隆五年 旌表

袁氏庠生管應閣妻年二十四夫歿矢志守節歷四十載  
乾隆五年 旌表

劉余厥妻張氏年二十三夫歿矢志守節歷三十六載乾隆十一年旌表

馬國俊妻周氏夫歿氏年二十五矢志守節歷三十二載乾隆十一年旌表

王人麟妻紀氏年二十二夫亡矢志守節歷三十七載乾隆十一年旌表

張漢卿妻梁氏年二十六夫歿矢志守節歷四十七載乾隆十一年旌表

刁成妻管氏夫歿氏年二十一矢志守節歷三十四載乾隆十二年旌表

大同府志

卷之十四

列女

聖

刁士光妻彭氏年二十八夫亡矢志守節歷四十五載乾隆十二年旌表

李氏庠生王法先妻年二十六夫亡矢志守節歷三十三載乾隆十四年旌表

孫有功妻武氏夫歿氏年甫十九矢志守節歷四十二載乾隆十四年旌表

李氏生員閻四達妻夫歿氏年二十八矢志守節歷三十一年載乾隆十七年旌表

王定昌妻李氏夫歿氏年二十八矢志守節歷三十五載乾隆二十二年旌表

王隣妻趙氏夫歿氏年二十二矢志守節歷四十五載乾隆三十八年詳請 旌表

楊煥妻趙氏夫歿氏年甫十八矢志守節歷三十九載乾隆三十九年 旌表

李堂妻石氏夫歿氏年二十三矢志守節歷四十二載乾隆三十九年 旌表

閻氏佾禮生王活繼妻夫歿氏年二十五矢志守節歷四十一載乾隆三十九年 旌表

武致中妻朱氏夫歿氏年二十四矢志守節歷三十四載乾隆三十九年 旌表

大同府志

卷之四

列女

四

郝氏生員王深妻夫歿氏年二十四矢志守節歷四十九年乾隆三十九年 旌表

生員郝贊妻王氏生員管應圖妻夏氏生員王泮妻魏氏魏秉懿妻王氏夏日健妻管氏拔貢魏垂遠妻于氏楊

潤妻齊氏以上俱守志節

以上懷仁縣

廩生郭隆繼妻許氏年二十而寡族人利其產百計撓之外禦強族內撫藐孤憂勞幾二十年子熊祥鳳祥俱克成立壽七十餘卒

生員士遵智妻宋氏年十八夫亡撫孤秉意入泮 亡育孫守節五十二年卒年七十

生員王遵猷妻郭氏年二十夫亡家徒四壁事育盡瘁苦節五十餘年

李知新妻全氏年十九夫故矢志撫孤歷節三十餘年

廩生賈永昇妻李氏年二十四夫故矢志從一茹荼終身歷節三十餘年

賈永興妻王氏年二十一夫故矢志不二食貧守志苦節四十餘年以終

梁叔通妻于氏年二十夫亡無子翁姑卽世子然一身全無所依家貧口不再食矢志冰荼苦節四十年卒年六十

大同府志

卷之六

列女

墨

安寧妻馬氏年十六適寧越四載而姑逝又二載而夫亡上有衰翁年近七旬下遺稚子甫逾四齡家計素貧適逢歲歉隣人諷使他適氏泣然泣陳於翁前以明己志披結茹荼勤苦備至翁臨歿謂氏曰吾今得盡餘年厥孫亦幾成立者皆子之力也後子起振躬親農業家計漸豐歷節三十餘年而卒

梁克信妻田氏年二十一而寡子方週歲矢志撫孤歷節四十年卒年六十

閻待蜚妻賈氏夫亡事姑以孝聞及姑歿閱歲氏得奇症醫藥不效氏假寐夢姑云余爲汝詣神乞藥三十粒以

黃琴湯送之病可愈及覺果然服之立愈咸以爲孝婦之報爭相傳誦事在雍正六年

彭雲程妻郭氏雲程甫入庠而故氏年十九熬糞自甘柏舟矢志撫孤彥柱成立苦節五十三年而卒乾隆六年奏旌

雲際會妻段氏年二十一夫故遺子未週月甘心撫孤誓不改適歷節三十餘年卒鄉人以匾表其閭

庠生王慕義妻賈氏年二十八而寡哀毀骨立誓死靡它事翁克孝撫孤振祚成名歷節六十一年而卒乾隆二十年彙題給匾旌表

大同府志

卷之四

列女

四

吏員于長祚繼妻席氏事姑以孝聞夫歿時謂氏曰先遺三子已各成立汝子尙幼宜好撫育因密寄以白金三百令氏自存喪畢氏召先遺子等示以其父遺言取金公平分給母子相得家無間言隣里深傾服之

崔之崗妻豐氏年二十夫亡堅守清操事姑以孝聞於鄉閭撫子昌奇成名歷節三十八年乾隆三十二年旌表

吳序賓妻賈氏年十九夫亡毀容斷髮誓守靡他事翁姑克盡孝養撫孤光裕成名歷節四十一年乾隆三十一年旌表

李孔碩妻趙氏年十九孀居心堅金石家貧孝奉翁姑以  
壽終鞠四月孤慈嚴備至以底成立歷節四十六年乾  
隆三十八年奏 旌

王連喜妻羅氏年二十四夫故撫姪爲嗣誓不改適事姑  
以孝聞歷節三十七年

楊鴻運妻王氏年二十一夫故事姑克盡婦道以姪爲嗣  
撫之補諸生歷節三十一年

增生王必榮妻張氏年二十八而寡無子撫姪爲嗣艱苦  
備嘗歷節三十八年 以上山陰縣

監生鄭嗣堯妻楊氏年十七適鄭越二年生子宇甫九日  
大同府志 卷之五 列女 三 旌

夫卒矢志守節備歷艱辛壽七十有二宇領歲薦雍正  
二年 旌表

生員馬上登妻司氏懷仁庠生司瑞女年二十七夫歿于  
三俱幼氏苦節教養六十年壽登大耋卒

胡氏胡登女孫適州人曹姓者曹遊蕩不事生業鬻身爲  
人僕挈氏偕氏泣與兄訣曰我家傳清白不忍辱身爲  
僕今日之事一死而已遂自經

郭氏生員鄭逢泰妻也十九歲而寡遺子在襁褓氏誓死  
不移五十載冰霜錚錚有聲子一龍亦卓然成立鄉里  
間至今猶傳誦不衰

羽生蒞妻姚氏年二十五而夫亡遺子三人家甚貧氏勤  
女工撫孤季子善中入泮守節四十四年卒年六十有  
九

鄭氏廩生曹森妻夫死氏年二十六無子守節四十年壽  
六十有六卒州牧竇容遂表其門

孟氏談繼先妻夫歿氏年十九無子以夫兄子爲嗣守節  
三十四年壽五十二卒州牧吳超表其門

王氏王生芝妻夫歿氏年二十八撫孤成立守節二十八  
年壽至六十五卒學使者蔣表其門

邱氏白佐妻夫亡氏年二十二拮据撫孤守節四十餘年  
大同府志

卷之五 列女

四

孫氏武生趙宓妻夫歿氏年二十四無子以夫兄子爲嗣  
撫之成立守節三十五年

張氏劉好古妻夫歿氏年十九偕孀姑陳氏撫孤陳氏年  
七十張氏年五十計張氏守節已三十一年

霍氏韓世榮妻夫歿氏年二十四無子奉繼姑能盡其孝  
守節三十八年

劉氏生員朱秉職妻夫歿氏年二十撫孤成立守節二十  
七年

張氏生員王爾偁妻夫歿氏年二十撫孤成立守節二十  
六年

張氏張祚法妻夫歿氏年二十八三子俱幼撫之成立守節五十餘年州牧繆集吳炳俱表其門

張氏王宣璋妻夫歿氏年二十無子家貧舅姑歿就養母家以卒年五十八守節三十五年

何氏安恭妻夫歿氏年二十子生方六日撫養成立守節二十九年

張氏王傑妻夫歿氏年二十三撫孤成立守節四十二年州牧吳炳表其門

常氏董大公妻夫歿氏年二十七三子俱幼撫之成立守節四十二年

大同府志 卷之十四 列女

四

魏氏劉行信妻夫歿氏年二十遺二子俱幼撫之成立守節三十九年 以上應州

生員張珪妻侯氏珪歿氏年二十二無子父母翁姑胥欲奪其志乃慟哭曰家貧未亡人去誰養兩老人者未亡

人死生張氏之門矣多言何益勤女紅以供菽水後立伯氏孫為己孫業儒克成立翁姑壽逾八十氏卒壽六十有二乾隆五年奏 旌建坊

姜講妻王氏講歿氏年二十一母勸之嫁氏侃詞拒之母意乃止針紉易粟奉姑食子姑病中夜祝天願以身代

教子勤篤每涕曰吾為兒家婦幾歷風霜備嘗辛苦兒



當努力勉爲端人卒年五十有二乾隆五年

旌建坊

坊

任慧妻呂氏慧歿氏年二十八事舅姑養生送死盡孝盡禮饒於貲而茹苦服勤一如寒素教子嚴篤不少假借鄉里宗黨間尤喜周急子啟文兄弟亦孝友誠敬克守厥家歷節四十年壽六十有八乾隆十五年奏

旌建坊

坊

白光琳妻張氏琳歿氏年二十七無子翁姑年老氏不忍哀哭以復其心轉加勸慰必使願解而後已叔氏夫婦但早歿遺二子氏撫育至成立立姪宗仁爲己子教誨

大同府志

卷之五

列女

率

勤篤後補博士弟子員頗有聲譽氏卒壽八十有一乾隆十六年奏

旌建坊

廩生李周鼎妻楊氏周鼎歿氏年二十六恭勤貞靜孝行

尤篤課子恒林績學登明經選乾隆十六年奏

旌建坊

坊

生員馬苗妻張氏苗歿氏年二十五栢舟自矢後翁亡姑體不仁穢沾床第晨夕親爲盥洗歷三載畧無厭倦教子世瑞克至成立乾隆十七年奏

旌

楊聯鑣妻穆氏鑣歿氏年二十三性仁孝養生送死靡不盡禮課子嚴於父師歷節四十餘年壽七十有一卒雍

正八年請旌

李金妻張氏太原人僑居州之傅家坡村氏年二十夫死無子人勸之嫁氏以與夫偕來死維同穴矢志以絕之歲大饑人復勸之怒形於色亦不更答鄰里餽以薪粟堅不受竟凍餒以死遠近聞之皆爲涕泣云

生員孟賓妻王氏賓歿氏年二十七壽至七十有一卒其逸事多不傳鄉里君子輓之曰冰霜其操金石乃心嫻順斯容悲傷厥志乾隆十三年請旌

余璉妻晉氏璉年十四而娶十六而歿氏年方十九無子斷髮矢志家極貧氏親採菘菲易粟佐餐翁姑得免饑

大同府志

卷之四

列女

五

寒者氏之力也乾隆十九年卒苦節二十餘載鄉黨宗族爭表其遺事當事給匾表其門

白之昭妻穆氏昭歿氏年二十一卒年五十有六守節三十四年勤勞不倦家人未嘗聞其笑語亦未聞其痛苦聲人以是難之

楊而慶妻來氏年二十五慶歿無子叔氏方四歲高堂垂白靡所依倚數十年生者養死者送幼者成立胥氏爲之凡官於州而聞其事者莫不感歎欷歔爲言以贈

生員熊錦妻郝氏錦歿氏年二十六舅姑年老多病氏色養承奉久而益恭撫遺孤長子成立次子補州庠生

郭連城妻楊氏連城歿氏年二十五遺二子俱在襁褓奉  
舅姑竭盡孝養撫子成立補州弟子員

余而智妻鮑氏年十九適而智越二載夫亡遺孤僅兩月  
送舅氏養孀姑訓孤成立於艱辛匱乏之中悉賴一人之  
力而處之裕如焉

董氏牛折宮繼室也折宮歿氏年二十六生子方月餘事  
寡姑至孝教子克至成立

張君用妻賀氏君用歿氏年二十七守節三十六載初君  
用家居州西郭外母喪明雍正二年秋雨恒山水暴發  
城閘水深數丈居民悉援索登高以避時君用他往氏

大同府志

卷之五

列女

五

負姑立短垣哭慰姑曰毋恐婦守姑生死於此必不相  
捨也水退廬舍漂沒無數君用家獨無恙咸以爲氏誠  
孝所感

生員郭學顯妻黃氏年二十四夫歿時氏方娠生子撫之  
成立舅姑思子成疾又家貧乏食氏每托疾不飯以飽  
姑姑不知也歷節二十載乃卒

王格妻馬氏格歿氏年二十一事孀姑以孝聞乾隆三十  
八年題旌

白知妻郭氏知歿氏年二十五誓不欲生念子幼乃私自  
解教子嚴切家貧身親春磨必坐子於地督課經籍少

情則撻之姆李氏有瘵疾深加憫惜衣食必先之姪矢  
恃與己子同乳之子成立事親亦克敬謹云

白昌欽妻麻氏昌欽病將死謂氏曰吾死爾能養吾親乎  
氏曰諾昌欽歿氏竭力事翁姑不忍號泣以傷其心子  
典亦早卒其婦事氏亦如氏之事其翁姑人以爲節孝  
之感昌欽歿時氏年二十八守節亦二十八載州人競  
傳其淑範

白典妻趙氏典歿氏年二十四守節四十七年事孀姑撫  
弱息茹苦含酸以成亮節與姑後先輝映焉

王定祥妻馬氏定祥歿氏年二十七姑早亡祖姑猶在年

大同府志

卷之十四

列女

三

近九十身復老病遺孤二長五齡次三齡及身四世家  
徒壁立氏十指經營三十六年養生送死無少遺憾壽  
六十有三卒

蔣玉妻杜氏玉歿氏年二十四親老兩孤俱幼家貧衣食  
不給仰事俯育茹檠甘飴歷節五十三載當事榜其門  
曰淚冰秋霜氣和春露乃定評也

張有彩妻白氏彩歿氏年二十二遺孤甫八月父母翁姑  
俱亡復無昆季叔伯足相倚托益無斗儲覆無片瓦二  
十餘年子乃克力傭爲養守節三十六年卒孫三各安  
恒業少孫永觀爲州庠生

蘭如棧妻石氏如棧歿氏年二十五守節三十三載以孝  
敬聞於鄉黨處妯娌極和順數十年無間言

穆履中妻吳氏履中歿氏年十九子維基方週歲翁姑欲  
其改適不從乃屢逐之氏曰身可逐守不可易也後十  
四年維基長娶妻郭氏越三年維基復亡時翁姑逼氏  
嫁猶不已郭乃私謂姑曰祖姑不能容姑能容婦乎遂  
托疾絕粒死氏痛撫遺孫再十五年見其成立送兩老  
人葬表郭氏事壽六十有九卒守節五十載

穆維基妻郭氏卽穆吳氏子婦也維基歿氏年十九事見  
姑傳

大同府志

卷之六

列女

五

穆挺然妻高氏挺然歿氏年二十六守節四十七載事翁  
姑撫子女畢婚嫁於辛苦中丁此數大事人未嘗一聞  
其嗟悼之聲壽七十有二卒

穆純一妻鄭氏純一歿氏年二十三無子氏恐有托故勸  
改適者卽繼族子承祧寒苦自持絕無哀怨

監生武樞妻穆氏樞歿氏年十九父母翁姑俱念其年少  
令其改適氏曰未亡人誓志兩途惟親所命無煩言也  
衆知其志堅不可奪遂聽之守節四十一載樞本家靈  
邱占籍渾源乾隆十四年請旌建坊

黃選妻王氏選歿氏年二十八事翁姑克盡孝養初選遺

一子一女子歿女長適人隨夫於村里廐馬驚逸女斃於馬足氏痛女不得其死亦哀感成疾而卒壽六十守節三十二載

曹恒新妻賀氏恒新歿氏年二十歸曹方三載姑早亡事翁至孝居州之水磨疇村舍旁產數畝常力耕以代翁勞撫一子成立孫曾繼起乾隆二十七年宗族及州人士共舉焉

趙衍妻張氏年十三適衍衍墜崖折腰臥三年歿父母欲奪其志以身姑年老辭且念趙氏無後撫族子成立生兩孫子尋卒又撫孫成立州人談節孝者必首推氏

大同府志

卷之四

列女

五

牛應富妻劉氏應富歿氏年二十五自忍饑寒以育孤子克見成立年五十有八卒

郝進取妻程氏進取歿氏年二十五遺腹生子孀姑在堂家極貧十指之外畧無他給三十四年恬如一日子亦成立

侯藩妻武氏夫歿氏年二十九家極寒以女紅奉親鞠子後子本中補弟子員

曹光榮妻王氏光榮歿氏年十八翁姑在堂家無儋石孤甫六月氏竭力支持寸薪粒粟莫非己力又撫伯叔子女各成婚嫁此尤爲難能者矣

楊大儒妻臧氏適大儒未數月而大儒歿氏年始十六父母欲嫁之氏請待終喪父母後窺其志必不可奪事寢守志十年而卒

高璞妻高氏璞歿氏年二十六家極寒苦自矢不二遺孤甫六月撫之成立生孫壽六十七而卒

李文璋妻溫氏文璋歿氏年二十四侍八十餘老親撫一子及兩猶子成立孫枝亦皆秀發守節三十七載壽六十無病而終

監生陳瑜妻邢氏瑜歿氏年二十七寡姑在堂叔氏琦先瑜亡瑜再亡姑悲痛喪明氏晝夜事姑不怠遠近聞者

大同府志

卷之十四 列女

五

俱稱之撫子勝前成立

于養志妻李氏養志歿氏年二十二事親恭孝持身謹約教子義方壽七十有八守節五十六載

張舉妻馮氏舉歿氏年二十八家貧縫衣織履以養翁姑翁姑歿哀哭晝夜淚盡繼之以血感動隣里悉涕泣以助其殯葬二子長鳴鳳方農次翠鳳爲州庠生

左致君妻鄧氏致君歿氏年二十八事舅姑以孝聞子崇典守母教勤恒業氏壽六十有三卒守節三十六載

左繼賢妻張氏繼賢歿氏年二十七家極貧嘗間日一食省以養姑居州之凌雲口每刀貝子採茶悲來號泣烏雀

爲之不鳴咸稱氏爲古節之冠壽七十終守節四十四載

孫述先妻靖氏述先歿氏年二十五遺孤方七月翁與繼姑俱存事姑尤孝少遜姑意必前自泣責姑悅乃止壽六十有二卒守節三十八載子璨州庠生

韓嘉成妻郭氏年二十七嘉成歿子榮方幼氏撫教成立授室未幾亦早卒人以此惜氏未能食苦節之報也壽八十有一卒守節五十六載

韓榮妻陳氏韓郭氏之子婦也榮歿氏年二十八事孀姑孝謹姑常憐惜之守節五十四載卒子天申天保俱克

太同府志

卷之四 列女

五

成立

閻明妻高氏壽一百三歲順治元年生乾隆十一年秦

旌初明身故氏年四十家赤貧長子年十一次甫數月人或勸携子以嫁哭誓曰寧甘餓死從夫於地下食蒿萊爲生咸呼爲苦嫠後見孫二曾孫九元孫一五世同居

郝文山妻李氏壽一百二歲順治七年生乾隆十六年秦

旌文山歿時寄居歸化後攜子扶輓歸里皆氏數十年食勤積苦之力也

葛潛妻白氏潛歿氏年二十一性孝謹教子遊庠食餼間



里稱之卒年七十有一乾隆三十六年題 旌建坊

田發妻郭氏夫歿氏年二十三屢遭大故殯葬靡不以禮

茹荼如齋壽八十一乾隆三十九年題 旌

穆夢熊妻常氏夢熊歿氏年二十三守節撫孤以延一綫

卒年四十有二

白思誠妻魏氏年二十思誠歿無嗣事舅姑以孝聞撫幼

叔成名守節已二十三載 以上渾源州

鄧瑄妻劉氏年二十一夫歿遺孤幼時遭姜瓖之變繼以

水旱日不聊生父母欲奪其志輒誓死不從苦節三十

九年撫子有聲成立以孝義聞母氏教居多焉

大同府志

卷之四 列女

笑

孫邦奠妻張氏夫亡氏年二十四矢志守節康熙四十年

知縣范如璋給匾表其門

孫邦奧妻趙氏年二十三夫亡子聯甫三歲趙誓不再適

課子學成以明經顯守節五十五年壽七十八康熙四

十六年建坊 旌表

馬建標妻劉氏年十九夫亡矢志守節歷三十二載乾隆

五年 旌表

李闕科妻祁氏夫亡氏年二十五矢志堅守苦節三十一

年乾隆六年 旌表

烈婦王氏鷄子溝村民郝周妻張榮欲圖之氏峻拒免既

而慙忿自縊乾隆七年以節烈題 旌論榮如律

王玉金妻段氏年二十四夫亡守節四十八載乾隆八年旌表

賈府妻劉氏年十八而夫亡矢志堅守苦節三十一年乾隆八年 旌表

劉漢臣妻馬氏夫亡氏年甫十九矢志堅守苦節二十六載乾隆十六年 旌表

劉世寧妻馬氏年十九而夫歿苦節堅守歷三十二載乾隆十八年 旌表

鄧一俊妻李氏夫亡氏年二十四矢志守節歷三十二載大同府志 卷之三 列女 五

乾隆二十三年 旌表

曹昉妻邊氏年二十四夫歿矢志苦節歷三十二載乾隆二十三年 旌表

烈婦張氏三山村民溫天起妻乾隆二十四年拒王丑廝之辱忿極赴井死事聞抵丑廝於法而 旌氏節烈焉

岳拱極妻劉氏夫亡氏年二十七守節歷三十三載乾隆二十五年 旌表

李繹宗妻王氏年二十四夫亡苦志守節歷三十一載乾隆二十九年 旌表

劉誠一妻王氏年二十一夫亡矢志守節歷三十五載乾

隆四十年 旌表

社國鈺妻孫氏年二十一夫亡矢志堅守苦節三十三載  
乾隆四十年 旌表

支九福妻劉氏年二十五夫歿矢志苦節歷三十五載  
乾隆四十年 旌表

劉字妻李氏年十八夫亡苦節已歷三十四載乾隆四十  
年詳請 旌表

劉漢良妻馬氏年二十而寡矢志守節歷三十四載知縣  
徐德懋聞而賢之給匾表其門

李璿妻李氏年二十而夫歿舅姑老子稚氏矢志孝養撫  
大同府志 卷之四 列女 卒

孤成立苦節三十二年卒

武勇妻侯氏夫亡氏年二十八矢志守節茹荼飲水歷四  
十餘載卒年七十有二

武士輝妻謝氏年二十六夫歿氏苦志守節歷五十四載  
卒年八十

武士煥妻王氏夫亡氏年甫十九無子父母憐其少欲嫁  
之氏誓死無二撫嗣子遊庠苦節三十餘年而卒 以上

靈邱縣

譚氏任斐小妻夫亡氏年十九翁姑以無出欲嫁之氏曰  
身有遺腹男女皆夫嗣也願為未亡人數月生男品秀

氏斷髮毀容以保孤自誓品秀甫遊泮天亡遺孫若尹  
方離乳哺氏撫育成立一如教子壽七十一卒

李氏王前陳妻年二十夫亡子紹祖未彌月氏茹荼守志  
事親撫子歷三十五年人無間言

周氏生員梁士彥妻少寡子幼翁姑勸之嫁氏砥節撫子  
弱冠列庠序鄉黨賢之

宋氏梁士達妻年二十五夫亡子雲芳年未週伯叔父母  
欲強嫁之氏誓曰妾若嫁人有何面目見夫於地下乎  
孀居五十餘年撫子有成

宋氏生員梁六德妻夫亡氏年二十一子士顯五歲士美

大同府志

卷之四

列女

空

三歲翁姑泣曰吾兒早死遺二幼子倚誰撫乎氏曰夫  
死有子未亡人責也自甘荼苦孝養翁姑訓育幼子後  
二子俱入邑庠享年七十有五

魏氏大同司馬魏某女也字廣靈劉令孫德溥後魏陞任  
滇南女隨去劉父子咸卒於署德溥以官逋繫囹圄魏  
聞齒姻事微有沮色女言於母曰業經許字貧富遠近  
命也何計焉魏嘉其志趨母送廣邑完婚氏荆布自甘  
京修閭職雖在困苦中夫婦敬禮如賓賢淑嘖嘖人口  
踰二載以產難卒闔邑悲悼氏讀書能詩有水鑑閣閣  
中三十牙

李氏王吉士妻夫故氏年二十八或勸以男女俱無盍改適氏謂夫無應嗣之男未亡人與夫合葬吾願足矣衣鷄結飯糠糲備極艱苦壽六十七而終

李氏適王吉甫與吉士妻嫡堂妯娌也夫故氏年二十六無嗣矢志守節家貧拾薪菜勤針指以終其身鄉人謂一門雙節壽六十有九

李氏陳吉榮之母夫將死以布半疋遺氏曰若能守乎見布如見吾不則請以是為資粧氏啼泣不語後甘貧守節其子吉榮不幸早逝撫其孫發壽至七十八歲臨終囑其孫曰吾今始得見乃祖於地下矣即以此布為殮

大同府志

卷之五 列女

三

服

劉氏劉芳珠妻夫故氏年二十八矢死守節勤女工以撫二子長林次宗成立歷三十四年而終

宋氏生員喬鼎繼妻也年十九而夫卒遺子名魁甫二歲氏冰霜矢志非歸寧不輕出事翁姑以孝聞教子維嚴守節三十一年終

郭氏姚生廣妻年二十六夫亡孤特無依掘昆茨淪脫粟以為食撫子臣甫成立亦早死繼撫孫進孝曾孫曾子有成年八十二而卒

張氏常顯豪妻年二十七夫卒子均甫四歲氏躬耕育養

至成立苦節三十年

李氏武興昌妻年二十八夫卒伶仃無倚艱苦備嘗撫二子銳鏐成立壽七十有八

傅氏周於昌妻年十九生子甫彌月夫卒父母憫其少欲嫁之氏立志冰霜茹荼食糲後其子鼎爲邑庠生壽八十有一

楊氏生員張步蟾妻年二十四夫卒遺子肇鳳甫襁褓氏自矢靡它坐一室足不踰戶勤女工以撫孤卒抵有成壽五十有五

史氏王廣明妻夫故氏年二十六遺子金甫四歲次子寶大同府志

卷之三 列女

三

遺腹子也氏甘貧撫孤苦節三十年  
胡氏史光體妻年二十六夫亡遺子懷誠方二歲氏飯糲茹荼撫子成立壽六十一而卒

袁氏韓名金妻年二十五夫故壽六十三而卒其夫歿時遺子齡甫六歲氏艱苦備嘗撫至成立歷節三十八年  
陸氏陳舜妻年二十六而夫卒遺子三俱幼氏伶仃無依艱辛撫育胥克有成苦節三十四年卒年六十

梁氏史光彩妻年二十八夫故遺子懷智始八歲備歷艱辛撫孤成立苦節三十四年終

王氏胡進相妻年二十三夫故撫子得觀苦百端歷久彌

厲壽八十三而終

韓氏安永和妻年二十四夫客死子一女俱無家餘四壁氏以死矢志歸依其父以度日守節二十一年卒

劉氏趙吉妻年二十四而夫故守節四十三年

焦氏生員李篤敬之繼妻也夫故氏年二十一苦節冰操撫前妻子淑身若己出前太守表其門曰孝慈順德

張氏史光第妻年二十七而夫故遺子懷祥方四歲拾薪菜勤浣濯傭針黹以撫幼孤後懷祥亦早亡依姪懷仁以終身

宋氏楊職榮妻夫故氏年二十三子譽遠甫兩月守節四

大同府志

卷之四 列女

四

十七年撫子成立孫嗣宗名列膠庠壽七十而終

黃氏魏居尊妻夫故氏年二十七子式方九歲終日痛泣不欲生後夢其夫語曰爾能爲我撫子成立豈不愈於死乎由是餐藜飽糞艱苦備嘗守節三十六年式抵成立

李氏生員梁維漢妻夫故氏年二十八冰雪矢志懷義方訓子後子久榮入泮亦早亡又撫孫培猷壽八十有二而卒

宋氏梁維能妻夫故氏年二十六堅志矢志撫幼子久存成立亦早死又撫孫培元歷四十九年艱辛備至壽七

十五而終

彭氏宋國治妻夫故氏年十九長子賢穉幼次子良猶孕腹也家貧無贍傭工撫孤二子皆抵成立壽五十有六張氏王順妻夫故氏年二十八性甘澹薄矢志維貞撫子中魁入泮尋天卒又撫孫居安壽七十有五

曹氏王禹妻年二十三夫歿姑曰爾年少家貧可自爲計氏曰女子以節爲重况姑寡子幼兼有孤姪義不忍捨守節三十二年

劉氏王成功妻年二十七夫病謂氏曰吾止有一子甫兩月我死汝其爲我養之氏曰諾及夫卒堅志守節壽六

大同府志

卷之五

列女

七

十有一冰霜茶檠三十餘年無事足不踰閫

曹氏薛瑪妻年二十八夫故遺子謙誠方七歲謙恒方二歲食貧茹荼撫皆有成守節三十四年

許氏曹振齋妻夫亡氏年二十七遺子甫六月誓志守節終身足未嘗踰戶子七歲又亡或勸之改適輒厲拒之曰人之植節豈以子之存亡而淪耶歷四十七年卒壽七十有三

滑氏白用六之妻夫亡氏年二十八遺子昌齡年未週氏茹荼飲檠撫育有成苦節二十餘年

焦氏全文昇妻氏年二十三夫亡無子矢志柏舟有孤姪



已隨母改嫁氏令歸宗為授室以綿先祀享年八十有二

王氏李昶之妻夫故氏年二十七撫孤守節勁植松筠壽七十有四

任氏周多相妻夫亡氏年二十七遺子維道未及週氏茹苦甘貧孝事翁姑維道復早卒僅一孫相倚歷節四十餘年

亢氏生員全文眩妻年二十九夫亡子于陞甫十歲氏撫育教課名列膠庠守節四十餘年

李氏庠生徐有仁妻夫亡氏年二十六遺子聯科年未一

大同府志

卷之十四 列女

七

週氏孝事翁姑艱苦備嘗撫孤入泮苦節三十餘年

魏氏宋鴻傑妻夫亡氏年二十七遺子甫三歲氏奉姑守節甘心貧困壽七十有七終

宋氏白天德繼室年十八于歸越三載而夫亡遺孤九八歲氏煦育訓養無異己出有因家貧勸氏改適氏曰夫

門兩世單傳承宗祀者止此一線姑老子幼焉忍他往矢誓守志苦節二十一年有司額之曰柏舟自矢

李氏全貞節妻年二十五夫故遺孤文身方五歲氏斷髮嬰容以自矢歷節四十六年蔬水承歡詩書課子後文

身名列賢宮

曹氏梁遇春妻夫亡氏年十九志凜冰霜事親撫孤苦節  
四十年乾隆四年 旌

王氏曹維鈞妻夫亡氏年二十一撫遺腹子諄訓以義方  
翁姑年老家貧氏生事死葬各盡其禮苦節五十餘年  
乾隆五年 旌表

蘇氏王賜祿妻夫亡氏年十八子方數月氏母兼父道苦  
節三十七年乾隆十七年巡撫以青年守志白首完貞  
具題 旌表

楊氏任金之妻年二十九夫亡家貧無倚堅志苦節五十  
二年

大同府志

卷之三

列女

七

王氏王之植妻夫亡氏年十九苦守志節三十一年

劉氏王之屏妻夫亡氏年二十八遺子德方三歲家窶甚

終歲採茶為食苦節三十五年

馬氏杜明心妻夫亡氏年二十一子曦甫四歲映遺腹方

數月氏矢誓守節曦映皆列邑庠苦節二十餘年而歿

焦氏王聯榮妻夫故氏年二十二上事翁姑下撫幼子守

節三十餘年

楊氏庠生徐廷璽妻夫亡氏年二十一遺子養志甫一歲

氏誓守志節奉孀姑撫幼子備極艱苦

李氏徐廷璧妻夫亡氏年二十一茹苦自甘志貫金石撫

孤養氣成立苦節二十年而卒

張氏韓顯瑞妻年二十四而夫歿子大鼎孕腹甫四月氏

孤苦無依每躬親耘耔暑雨沾塗撫子訖於成立苦節

三十二年

仲氏楊維垣妻年三十夫死守節撫孤子復天亡無嗣氏

飲冰茹苦四十餘年而終

白氏劉漢綱妻夫亡氏年二十四撫遺腹子師顏立志苦

節四十一年

李氏劉漢紹妻夫亡氏年二十三撫子師曾苦節三十餘

年

大同府志

卷之五

列女

六

常氏李有庫妻年二十六夫卒翁孀居篋目失明氏備歷

艱辛色養不衰奉翁以終天年

韓氏郭立葱妻年二十八夫故家貧無資始寡子幼日織

簾以給薪水孝事孀姑衣食無缺人咸重之

梁氏梁澤妻夫故氏年十九子二歲守節二十一年事翁

姑色養備至始終無間人以孝稱

陳氏南村民姚生德妻也生德遠客他鄉十載不歸姑憫

婦之孝勗改適婦號哭不忍去拾薪傭工以為養備極

艱辛毫無倦色後生德歸奉母以壽終不二年生德又

亡無子氏食貧甘體年七十一而卒

楊氏楊堦之妻十七年歸半載夫歿家貧復無翁姑可  
依守遺腹子志堅金石

梁氏劉苜妻生子方彌月而苜亡氏年二十五砥志守節  
孝事翁姑撫育幼子守節二十餘年

韓氏生員宋苞繼室夫亡氏年二十八孝事翁姑撫前妻  
子無異己出

周氏宋璣妻夫亡氏年二十二柏舟矢志孝事翁姑人咸  
嘖嘖

譚氏王希富妻年二十八夫亡姑老子幼辛苦備嘗冰霜  
益厲

大同府志

卷之五

列女

完

白氏譚連妻夫故氏年二十遺一子未及週氏甘貧自勵  
撫子有成

楊氏徐逢盛妻少孀長子廷璧復歿死次子廷璽甫一歲  
氏志凜冰霜歸寧而外足不踰戶守節二十二年卒鄉  
黨稱之

閻氏韓麟翔妻夫亡氏年十八子女俱無貯之儋石氏矢  
志堅貞婦供子職族人韓修德等捐地以贖之有司表  
其門

趙氏韓國珩妻夫亡氏年二十三遺一子士望方數月氏節  
勵冰霜孝親撫孤歷三十年

梁氏韓林妻夫亡氏年二十六遺子作聖作相首幼氏敝衣蔬食備歷辛酸守節二十三年

王尙斌妻趙氏年二十六而寡遺子甫二歲辛勤撫育苦節三十六年有司表其閭

喬氏武生邱齊巖妻性勤儉年二十八夫亡苦守貧約撫弱子有成里黨重其節操壽至七十三

任志試妻杜氏年二十四夫亡無子卽自縊以救得甦事舅姑盡孝撫族子若己出其後嗣子庸懦無以養苦節三十七年終無怨言閭里憐而益重之

張漢猷妻宗氏年二十八夫亡子尙幼饗殮不給或勸攜

大同府志

卷之三 列女

三

子嫁可獲兩全氏曰生者誠有所托矣亡夫不飲恨地下平苦節三十四年屢凍餒不悔子章成立學使者曹表其門

房宗賜妻仝氏夫亡氏年二十八撫二子以死自誓茹荼飲檠四十年長子服賈次力農克盡孝養焉其娣張氏庠生房宗顏妻生子六歲而夫亡氏年二十六父母欲奪其志誓不從守節二十二年子亦克家里人名其居爲雙節巷

任芝妻劉氏夫歿氏年二十七二子俱幼氏勤紡織餬口教子耕讀次子弱冠補諸生學使者曹高其節給匾獎

之

李純德妻王氏年二十五夫亡甘守清貧誓不改志撫二幼子俱成立苦節三十六載人無間言

李氏增廣生邱起鳳妻事舅姑以孝聞年二十七夫歿撫嗣子成立守節已歷四十年

王氏庠生白鹿庚妻鹿庚亡氏年二十八矢志守節奉舅姑鞠幼子慈孝並著現年七十有三長子遊庠

以上廣靈縣

沈氏生員吳振宗繼妻年二十夫亡無出撫前妻子正生名列膠庠授室生兩孫尋亦死氏復鞠育有成歷五十

大同府志

卷之五 列女

七

餘年終

王繩祖妻謝氏少寡子鎮國方七歲家貧事姑不遺餘力每奉甘旨給子使出不令分姑食姑性嚴急稍不遂輒詬詈嘗至披面嚙臂數十年卒無怨色當事獎之

秦世臣妻崔氏世臣淫佚不軌于正崔常切諫之不聽繼以哭且遭毆辱踰年坐罪發遣崔恨適匪人中途必受侮懷刃入廁先刃嬰兒後自斷喉而死

蘇大彰妻張氏少寡鞠子有成翁姑俱歿夫弟妹皆幼穉氏撫育尤恩守節四十年壽六十三而卒

郝氏張聖訓妻年二十三而寡事孀姑色養備至撫二子

俱列膠屏以守先業

閻氏張文錦妻夫亡遺子二珩五歲璨一歲氏甘貧矢志勤針指以奉翁姑撫稚息慈孝傳之閭里屢經荒歉養殮不繼絕無吝嗟哀歎聲守節五十二年壽八十

席定國妻孟氏夫亡遺子秀方八月誓守不二撫秀成立年四十一而終

王福珍妻吳氏夫亡遺子二曰忠曰孝孝甫兩月氏堅凝矢志撫皆成立尋相繼死復撫忠遺腹子德新克成德新又生子化麟守節三十餘年壽六十一而卒

康氏李綦妻夫故遺子大直甫四歲撫育成立守節四十

大同府志

卷之十四 列女

三

三年有司表以額

趙氏武魁妻夫亡遺子良弼方五歲氏自矢不二事翁姑曲盡孝道撫孤教育成人守節四十餘年壽七十有二終

齊氏孫懋績妻年十八夫亡遺子未歲誓節甘貧歷三十八年如一日

李氏郭大傑妻生子甫周歲而夫亡氏立志守正撫幼子成人甘心荼苦三十餘年

王氏郭珍妻年二十八夫亡鞠子甫成立旋歿死遺孫通九歲亦撫育抵成守節五十餘年壽八十有二終

吉氏生員郝鞏妻夫亡家甚窶父母以改適相勸氏引刀割髮毀容而異言乃息守節五十餘年

母氏郝謚妻謚鞏妻也氏年十九而孀孕始三月生子某撫教成立事姑極孝人皆稱以雙節蓋與吉氏後先相映云有司給額表其閭

李氏張文萬妻年二十八夫亡遺子二長尚賢次尚士撫育成立生孫四曾孫國輔早歲補弟子員歷節四十載壽九十有三

烈婦趙氏鄧廷彥之妻爲奸人張文基迫脅氏以死拒竟被殺事聞論文基死 旌氏烈節建坊

大同府志

卷之四

列女

三

楊秀繼妻王氏年二十二夫歿姑癯病子甫二齡氏誓死守節勤操作歷久不懈乾隆三十八年 旌表

李研妻安氏年十九夫亡一子甫襁褓家貧茹苦撫孤有成守節三十八年而歿

王氏庠生李淵白妻年二十四夫亡貧無立錫有諷以改適者輒悲泣指天自誓族黨憐之爲置地數畝以給餼粥苦節五十六年竟撫子成立補諸生壽至八十

李沛妻劉氏本貴族女也及爲貧家婦卽椎髻易短布裳親操井臼有古桓少君風年二十四沛卒遺孤幼稚氏矢志守節奉姑以孝稱撫子成立現年五十八



范義妻董氏年二十八夫亡二子俱幼氏矢志撫孤備歷艱苦次子補弟子員守節已三十六年現年六十有祀  
以上陽高縣

谷發妻王氏發從弟旺少孤從母改適母亡歸依發傭力自食未幾發病故旺思妻其嫂將僦居他所直言致之氏泣且詈既而旺潛遺幼姪出挺然入犯氏峻拒旺怒持挺擊之仆斧其額立時殞絕康熙四十七年事聞旺抵死氏 詔旌

生員丁培初妻趙氏年二十四夫故勤勞奉姑教子旺巽業儒充弟子員雍正四年建坊 旌表

大同府志

卷之三

列女

七

叅將羅光大繼妻姚氏光大卒於任無子氏忍死治喪事扶柩歸里迄期前一日更衣自縊棺衾胥自備焉時年二十有七

于構基妻安氏年二十三夫亡子公勦甫二歲氏撫教抵成孀居五十一年

庠生閻大順妻甯氏夫亡遺子玫十歲氏甘貧事女工奉翁姑以孝玫生三子尋亦歿卒又撫遺孫文郁文彬皆補庠生教授劉元溥以貞德畱輝額表其門壽六十有

九終

馮氏貢生閻家齊側室也家齊年踰六十無子因納氏焉

未幾家齊歿氏年二十三乃立堂姪孫璋爲天孫璋生  
子三夫婦偕亡氏苦志撫育曾孫胥三成立年五十四  
卒

袁士淳妻趙氏年二十夫故氏誓不改適事舅姑以孝聞  
姑性嚴事之倍謹後舅姑相繼歿氏極哀盡禮壽六十  
餘終

廩生羅翰世妻吳氏年二十八夫故翁老氏能養志每食  
必請所欲嘗脫簪珥以市甘旨子宜方四歲撫育成立  
苦節四十餘年

房玉金之妻李氏南康別駕李大綸女也年三丁夫亡遺

大同府志

卷之十四

列女

五

子四幼子甫三月家貧甚兄弟憐而勸之改適氏哭告  
曰非特失節堪羞四孤無託房氏一宗幾由此絕矣誓  
不從撫四子俱成立壽八十有二

曹宏妻郭氏生子士達甫三歲夫故時翁姑胥年逾七十  
家貧氏竭力侍奉後翁姑相繼歿殯葬如禮教士達入  
縣庠乾隆十五年建坊旌表

任秉正妻李氏年二十五夫亡礪節死誓遺孤二次曰讓  
年始三週家貧姑老氏曲體親心刻意撫育次子讓名  
登龔序長子某生一子旋亡後撫孫授室業儒守節四  
十年

李廷瑜妻張氏夫亡遺子昌方三月家故貧氏勤女工度日備嘗艱苦延師訓子自昌入泮後家漸裕又能推贖族黨守節歷三十九年終

周愈妻史氏年二十九夫亡無子甘貧守志嗣姪學洙以繼夫後撫育教誨如同己出苦節三十四年

李呈麒妻吉氏年二十七生子三夫亡幼子炯方娠腹數月氏堅志矢守撫四孤俱成孫紹白入武庠同白食廩餼皆炯出歷節五十三年壽八十終

劉沛奕妻李氏年十七夫亡子方彌月家貧甚氏日事女紅奉舅姑撫稚息歷十六載子復歿卒氏母迫其改適

大同府志

卷之五

列女

美

氏泣曰我固無子豈忍令舅姑無媳耶聞者淚下後立夫兄子梁爲夫嗣撫如己出教課遊庠苦節四十餘年趙有祿妻張氏年二十四夫歿子幼甘貧矢志撫之抵成既而子媳相繼歿遺孫甫離襁褓復撫成授室生曾孫吉泰未幾曾孫又失恃怙焉復撫吉泰至十有一歲氏乃卒壽八十二老幼熒熒相依一室撫孤三世貧窶異常苦節之貞莫此爲甚矣

李嘉訓妻閻氏年二十八夫亡二子俱幼家故貧族人力逼改適氏務面斷髮以死自誓事始寢撫二子成立苦節四十二年壽七十終

王柱繼妻高氏年二十二夫歿時姑武氏年已七十有一  
氏甘貧守志力事女工以奉孀姑教養前妻子配禹入  
泮年五十二卒苦節三十一載

王三爵妻溫氏十七于歸翁姑年邁家貧氏勤儉操持志  
甘澹泊三爵歿弟世爵幼氏奉養翁姑撫教子弟日勤  
針紉以助薪水茹苦守節雖衣食不繼心同金石世爵  
遊庠子鉉亦成立能體母志有司詳請旌表

李澳妻高氏事翁姑克盡婦道氏年二十一澳歿二親晝  
夜哭泣氏多方勸慰乃稍解既而相繼臥病氏鬻粧奩  
以供醫藥卽糶殮不繼無少怠翁姑臨終囑幼子濟曰

大同府志

卷之五

列女

七

汝嫂守節事我兩人克盡孝養且撫汝多恩我死汝當  
以事我兩人禮事之濟亦克成親訓家事悉稟命以行  
氏無子濟以三子來成繼之歷節四十餘年奏旌坊  
表

侯琰妻羅氏事翁姑曲盡孝道翁姑繼歿氏持喪三年喜  
笑不形夫故無子夫弟三妹二皆氏教育婚嫁繼姪世  
綬承嗣食廩邑庠雖家業清苦躬操井臼晏如也諸姪  
失怙恃者氏恩養一如所出壽六十有七

張永昌妻趙氏夫亡氏年甫二十矢志守節事舅姑以孝  
聞二子俱列膠庠卒年四十七乾隆四十一年學使者

國以勁節流芳額表其門

慕氏生員楊克任妻年二十夫歿號慟不食者五日夜半  
卒起頭觸柱昏絕僵臥已而聞呱呱聲復蘇乃慨然以  
撫孤自任孝事舅姑苦節二十三年而卒初觸柱時墮  
齒八藏諸篋中子稍長每出示之血漬宛然則相對嗚  
咽二子力學皆入庠亦能孝養其母云乾隆四十一年  
學使者國額其門曰貞徽垂範

吳允誠妻渠氏允誠歿氏年二十九奉舅姑盡孝撫教二  
子長入成均次亦成立守節四十三年家計漸裕皆氏  
勤儉之力也現年七十有二以上天鎮縣

大同府志

卷之五

列女

表

補遺

劉氏應州人賈雲衢妻夫歿氏年二十五歲苦志撫孤壽  
五十五卒萬曆丙午旌表

張氏大同縣民袁好義妻年二十四好義客死子忠在襁  
褓家極貧氏苦守志節現年七十有四

按省志載元馮氏名淑安字靜居大名宦家女山陰  
尹山東李如忠繼妻如忠初娶蒙古氏生子任數月  
蒙古氏卒如忠乃繼娶馮氏大德五年如忠病篤重  
為氏慮氏截髮矢節如忠死後兩月遺腹生子伏李  
氏及蒙古氏之族聞如忠歿有遺財相率來山陰馮

氏方病亟開盡取其貲及子任以去氏不與校一室  
蕭然惟餘如忠及蒙古氏之柩而已朝夕哭泣悲動  
四鄰久之鬻衣權厝二柩於叢山下攜子廬墓側時  
年始二十羸形苦節爲女師以自給其父母來視之  
憐其孤苦諷之改適氏抓面流血不肯從居二十年  
卒護喪歸葬汶上齊魯之人聞之流涕查元史地理  
志大同路有山陰縣紹興路亦有山陰縣但據本傳  
所紀權厝二柩於叢山下大同路之山陰並無叢山  
惟會稽志叢山在府西六里越王採叢於此故名則  
李如忠乃官於紹興路之山陰非大同路之山陰也

大同府志

卷之二十六 列女

七

省志誤載於此自是攷據未的舊郡志又抹去叢字  
第云權厝二柩於山下更爲牽合自不當仍沿其故  
又舊志載元朔州人賈賢妻劉氏前明衛軍王幹妻  
李氏指揮方諒妻董氏武敏妻董氏衛千戶董儀妻  
錢氏李通妻趙氏郝讓妻師氏郝紀妻楊氏牛茂妻  
蔚氏周廣妻丁氏馬呈池妻孟氏前明馬邑所舍人  
張祥妻韓氏陳廷貴妻趙氏元天瑞妻張氏子勳妻  
陸氏姑婦雙節今朔州暨馬邑析隸朔平矣前明蔚  
州舍人鄒清妻王氏指揮王愷妻高氏旗校嚴通妻  
張氏千戶韓清妻劉氏舍人奚端妻康氏梁洪妻王

氏生員劉好學妻李氏監生王憲妻李氏生員郝本  
妻楊氏舍人葛登林妻魏氏登林子葛楨妻李氏楨  
子葛騰妻馬氏一門三世繼守貞操王福海妻柳氏  
前明廣昌千戶仲儒妻劉氏鄒天福妻戴氏張廷諫  
妻彭氏吳安妻郭氏廩生董守德妻仲氏劉演妻高  
氏今蔚州與廣昌改歸直隸矣州縣既各有統轄例  
難載別屬以入今之府志也第此格於例不得不爲  
裁汰或此汰而彼亦遺之則冰霜之操松柏之心不  
且遂致湮沒乎將長逝者銜恨無窮甚非所以崇節  
烈而維風教也况採訪未悉知必有沈埋抑鬱而不

大同府志

卷之十四 列女

全

彰於世者豈其列在簡編垂之奕葉而頓令其或存  
或不存與故特詳其姓氏綴之卷末以俟後之留心  
纂輯表幽光而發潛德者

